



## ORDENANZA FISCAL NÚM. 10

### REGULADORA DA TAXA POLA PRESTACIÓN DO SERVIZO DE RECOLLIDA E TRATAMENTO DE LIXO E RESIDUOS SÓLIDOS URBANOS

#### Artigo 1.- Fundamentos e natureza

No uso das facultades concedidas polos artigos 133.2 e 142 da Constitución e polos artigos 4 e 106 da Lei 7/1985, de 2 de abril, reguladora das Bases de Réxime Local, e de conformidade con disposto nos artigos 15 a 19 e 20.4.s) do texto refundido da Lei Reguladora das Facendas Locais, aprobado por Real Decreto Lexislativo 2/2004, de 5 de marzo, o Concello de Viveiro establece a taxa por recollida e tratamento do lixo e residuos sólidos urbanos, que se rexerá polo disposto na devandita Lei e pola presente ordenanza fiscal.

#### Artigo 2.- Feito imponible.

1. Constitúe o feito imponible desta taxa, a prestación do servizo de recepción obrigatoria, de recollida de residuos sólidos urbanos de vivendas, aloxamentos e locais ou establecementos onde se exerzan actividades industriais, comerciais, profesionais, artísticas ou de servizos no termo municipal de Viveiro, o seu transporte aos centros de eliminación e o posterior tratamento.

Considéranse incluídos nos servizos:

- O servizo de recollida de enseres e voluminosos porta a porta, previo aviso.

Quedan fóra do ámbito de aplicación da presente Ordenanza os residuos que, procedentes de calquera actividade ou servizo, estean incluídos pola normativa legal e regulamentaria de aplicación, dentro dos considerados como tóxicos ou perigosos, os posuidores dos cales deberán cumprir as obrigacións establecidas na normativa correspondente..

2. Entenderase de recepción obrigatoria o servizo prestado a todas as vivendas, que estean en condicións de habitabilidade ou utilización, con independencia de que estean ou non habitadas ou utilizadas, e de que se depositen ou non residuos para a súa recollida.

Así mesmo, tamén se entenderá de recepción obrigatoria o servizo prestado a todos os locais, aloxamentos e establecementos que estean en condicións de



ocupación e/ou utilización.

3. Considéranse obxecto tributario da taxa cada unha das vivendas individuais ou locais que formen parte dun mesmo inmovible, sempre que as mesmas teñan acceso propio e sexan susceptibles de ser utilizadas independentemente do resto das vivendas ou locais do edificio.

#### Artigo 3. Suxeitos pasivos

1. Son suxeitos pasivos contribuíntes as persoas físicas ou xurídicas e as entidades a que se refire o artigo 35.4 da Lei Xeral Tributaria, que ocupen ou utilicen as vivendas, establecementos e instalación de calquera uso ubicados nos lugares, prazas, rúas ou vías públicas en que se preste o servizo, xa sexa a título de propietario ou de usufrutuario, habitacionista ou arrendatario beneficiarios do servizo.

2. Terá a condición de suxeito pasivo substituto do contribuínte a persoa propietaria das vivendas ou locais, que poderá repercutir, no seu caso, as cotas satisfeitas sobre os usuarios de aquelas beneficiarios do servizo.

#### Artigo 4. Responsables

1. Serán responsables solidarios ou subsidiarios das obrigas tributarias do suxeito pasivo, as persoas físicas ou xurídicas consideradas para estes efectos segundo o disposto nos artigos 41 a 43 da Lei xeral tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria

#### Artigo 5. Exencións

Gozarán da exención subxectiva, aqueles contribuíntes nos que conorra algunha das seguintes circunstancias:

1. As persoas preceptoras de pensións non contributivas, sempre que as mesmas constitúan o único ingreso da unidade familiar. O dereito a esta exención requirirá a previa solicitude do interesado e a súa autorización pola Xunta de Goberno Local.

2. Os propietarios de vivendas ou locais en estado ruinoso, previa tramitación do correspondente expediente ou acreditación mediante informe emitido por técnico legalmente facultado.



## Artigo 6. Cota tributaria

1. A cota tributaria consistirá nunha cantidade fixa, que se determinará en función da natureza e destino dos inmobles, e nalgúns casos pola superficie.

2. A tal efecto aplicarase a seguinte tarifa:

Código	Concepto/usuario	Cota anual (€) 2024
1	Vivendas	115,39
2	Locais comerciais en xeral, consultas e despachos profesionais.	
2.1	De 100 a 250 m <sup>2</sup>	206,90
2.2	De 250 m <sup>2</sup> a 500 m <sup>2</sup>	277,94
2.3	Más de 500 m <sup>2</sup>	309,62
3	Cafeterias, bares y similares	
3.1	Ata 100 m <sup>2</sup>	332,91
3.2	De 100 a 250 m <sup>2</sup>	372,32
3.3	De 250 m <sup>2</sup> a 500 m <sup>2</sup>	402,48
3.4	Más de 500 m <sup>2</sup>	452,45
4	Restaurantes	
4.1	Ata 300m <sup>2</sup>	476,54
4.2	De máis de 300 m <sup>2</sup>	1168,81
5	Pensións, hostais e similares	346,39
6	Hoteis	
6.1	Sen restaurante ou restaurante ata 100m <sup>2</sup>	570,42
6.2	Con restaurante de máis de 100m <sup>2</sup>	1168,81
7	Moteis	570,42
8	Apartahoteis e apartamentos turísticos	
	Por cada apartamento	149,40
9	Campings	663,48
10	Salas de festa, discotecas e similares	605,41
11	Pubs	451,85
12	Cines e teatros	308,46
13	Supermercados, tendas de alimentación e similares	
13.1	Ata 75m <sup>2</sup>	277,94
13.2	Entre 75m <sup>2</sup> e 150m <sup>2</sup>	413,30
13.2	Entre 150m <sup>2</sup> e 300m <sup>2</sup>	632,63
13.3	Máis de 300 m <sup>2</sup>	1168,81
14	Talleres, industrias, almacéns, obradoiros e naves (Concesionarios, estacións de servizo).	
14.1	Ata 100 m <sup>2</sup>	206,90



EXCMO. CONCELLO  
DE  
VIVEIRO

Praza Maior, 1 27850-Viveiro (Lugo) Tel.:982.56.01.28 Fax:982.56.11.47 E-mail: [viveiro@fegamp.e](mailto:viveiro@fegamp.e)

14.2	Entre 100 e 250 m <sup>2</sup>	372,32
14.2	Entre 250 e 500 m <sup>2</sup>	533,34
14.3	Máis de 500 m <sup>2</sup>	977,92
15	Entidades bancarias	575,07
16	Locais destinados a actividades sanitarias	372,32
17	Entidades e sociedades recreativas ou deportivas	195,56
18	Centros de equipamento comercial	2.092,88
19	Instalacións de uso público	
19.1	Residencias tempo libre	1168,81
19.2	Centros de día	370,40
19.3	Centros de día/noite ata 40 prazas	701,89
19.4	Centros de día/noite de máis de 40 prazas	1168,81
19.5	Garaxes	260,32
20	Actividades asociadas á pesca	
20.1	Oficinas empresas armadoras	143,12
20.2	Exportadores de peixe	533,34
20.3	Outras empresas e servizos no porto	413,30
20.4	Lonxas	1,91€/m <sup>2</sup> +161,41€/m <sup>2</sup>
21	Outro non incluídos nos parágrafos anteriores	204,22

En todos os conceptos nos que se teña en conta a superficie, tomarase a superficie total, incluída a superficie dos locais anexos ou afectos á actividade, de conformidade co establecido ao respecto no imposto sobre actividades económicas (IAE), ou a superficie total que resulte das comprobacións que efectúe o concello.

Establécese unha tarifa mínima de 57,70 € anuais para as persoas propietarias de vivendas que non foran habitadas durante un ano e se demostre fidedignamente que continuarán na mesma situación, debendo acreditarse dito extremo mediante informe do vixiante fiscal.

As vivendas sitas a unha distancia superior 300 metros a contar dende o punto máis próximo de recollida de lixo ou ruta de prestación do servizo aboarán ó ano a cantidade de 57,70 € anuais

Os locais pechados e que foran dados de baixa no IAE aboarán ó ano a cantidade de 116,70 €.

Para poder beneficiarse das dúas anteriores tarifas reducidas, requirirase en todo caso autorización municipal, previa solicitude do interesado.

3. As cotas sinaladas na tarifa teñen carácter irredutible e serán fraccionadas por trimestres naturais, salvo acordo do Pleno do Concello establecendo prazo



distinto.

4. Aqueles locais que poidan encadrarse en dúas ou mais tarifas das establecidas no número 2 do presente artigo, tributarán pola tarifa suxeita ao gravame máis alto.

#### Artigo 7.- Tarifa especial

Establecese unha tarifa especial: Os titulares de postos de venda ambulante sitos no lugar habilitado ao efecto por este concello (para o que se estará no disposto no artigo 3 da presente ordenanza), aboarán a cota anual de 8,08€ por metro cadrado ou fracción ocupada, mediante catro recibos trimestrais e por adiantado ó comezo de cada trimestre natural ou ao adxudicarse o posto.

Para os casos de alta na titularidade dos postos, procederáse do seguinte modo: Se o posto se adxudica durante o primeiro semestre do ano, aboarase a tarifa íntegra; si se adxudica durante o segundo semestre do ano, aboarase o 50% da tarifa anterior.

#### Artigo 8.- Devengo

Devéngase a taxa e nace a obriga de contribuír dende o momento en que se inicie a prestación do servizo, entendéndose iniciada, dada a natureza de recepción obrigatoria do mesmo, cando estea establecido e en funcionamento o servizo municipal de recollida de residuos.

Establecido e en funcionamento o referido servizo, as cotas devengarase o primeiro día de cada trimestre natural, salvo que o devengo da taxa se producira con posterioridade a dita data, caso no cal a primeira cota devengarase o primeiro día do trimestre seguinte.

#### Artigo 9.- Declaración e ingresos

1.- Dentro dos 30 días hábiles seguintes á data en que se devengue por vez primeira a taxa, os suxeitos pasivos formalizarán a súa inscrición na matrícula, presentando ó efecto a correspondente declaración de alta e ingresando simultaneamente a cotado primeiro trimestre

2.- Cando se coñeza, xa de oficio ou por comunicación persoas interesadas de calquera variación dos datos figurados na matrícula, levaranse a cabo nesta as modificacións correspondentes, que surtirán efectos a partir do período de cobranza seguinte ó da data en que se teña efectuado a declaración.

3.-O cobro das cotas efectuarase trimestralmente, mediante recibo derivado da matrícula.



## Artigo 10.- Infraccións e sancións

En todo o relativo a infraccións tributarias e as súas cualificacións, así como ás sancións que correspondan, estarase ao establecido no título IV da Lei 58-2003 do 17 de decembro, xeral tributaria, así como no Real Decreto 2063/2004, de 15 de outubro, polo que se aproba o Regulamento xeral do réxime sancionador tributario.

### DISPOSICIÓN ADICIONAL:

Cando a Xunta de Galicia resolva aplicar para un exercicio a bonificación do canon unitario por tratamento de residuos domésticos de acordo coas condicións fixadas no punto tres bis da disposición adicional vixésimo primeira da Lei 11 /2013, aos efectos de manter o principio de equivalencia, aplicarase aos usuarios do servizo con tarifa incluída no apartado 6.2 un desconto en función do importe que supoña a minoración que estableza a Administración Autonómica no canon.

O Pleno, previo informe do servizo de xestión tributaria, determinará:

1. O importe previsto de aforro no custo do canon como consecuencia de bonificación.
2. A porcentaxe de minoración a aplicar sobre a débeda neta nun único trimestre aos usuarios das tarifas incluídas no apartado 6.2.
3. O trimestre no que se aplique a porcentaxe de minoración aprobada, tendo en conta que debe permitir a acreditación do cumprimento das condicións consonte o disposto na normativa da Administración autonómica.

### DISPOSICIÓN DERRADEIRA

1º.- Para todo o non previsto nesta ordenanza será de aplicación o texto refundido da Lei reguladora das facendas locais, aprobado por Real Decreto Legislativo 2/2004, de 5 de marzo; a Lei 58/2003, do 17 de decembro, xeral tributaria; o Regulamento xeral de recadación, aprobado polo Real Decreto 939/2005, de 29 de xullo, así como a restante normativa aplicable segundo a materia.

2º.-A presente modificación da ordenanza fiscal aprobada definitivamente no Pleno celebrado o día 28 de decembro de 2023, entrará en vigor o mesmo día da súa publicación definitiva no "Boletín Oficial de la Provincia", permanecendo en vixencia ata a súa modificación ou derogación expresa."